

**आकाशवाणी**

खास-खास खबरां:-

1. तमिनाडू च जोसेफ विजय हुंदे नेतृत्व आली नमीं चुनी गेदी TVK सरकार गी अज्ज विधानसभा च अपना बहुमत साबत करना पौग।
2. ऑल इंडिया NR कांगेस दे नेता एन. रंगासामी अज्ज पुदुचेरी दे मुखमंत्री दे ओहदे दी सगंध चुक्कडन।
3. केन्द्र सरकार नै सुन्ने ते होरनें कीमती धातुएं पर आयात शुल्क बधाई दिता ऐ-जेहड़ा अज्जै थमां लागू होई गेआ ऐ।
4. मौसम विभाग नै आखेआ ऐ जे भारत च इस बरे दक्खन-पच्छमी मानसून दी आमद इस्सै हफते च गै होई सकदी ऐ।
5. आई.पी.एल. क्रिकेट च गुजरात टाईटन्स नै कल रातीं अहमदाबाद च Sunrisers हैदराबाद गी 82एं रन्जें कन्नै हराइयै अंक तालिका च अक्वल थाहर हासल करी लैती ऐ।



**TN Assembly**

तमिलनाडु च जोसेफ विजय हुंदे नेतृत्व आहली नमीं चुनी गेदे टीवीके सरकार ने विधानसभा च अज्ज अपना बहुमत साबत करना ऐ। मुखमंत्री सी. जोसेफ विजय विधानसभा च विश्वासमत परीक्षण थमां पैहले समर्थन जुटाने लेई सैहयोगी दले दे नेताएं दे कन्नै बैठकां करा'रदे न। सैहयोगियें दे समर्थन दे कन्नै-कन्नै, टीवीके सरकार गी ए.आई.ए.डी.एम.के थमां बक्ख होए दे गुट दा समर्थन हासल ऐ। विधानसभा च हुन

टीवीके दे कोल तकरीबन 150 विधायकें दा समर्थन ऐ। तोआई, कल तमिलनाडु दी राजनीतिक स्थिति च उसले बड़ा नाटकी मोड़ आई गेआ, जिसले अखिल भारती अन्ना द्रविड़ मुन्नेत्र कड़गम सरकार गी समर्थन देने गी लेइयै द'उं गुटें च बंडोई गई। साबका मुखमंत्री ते पार्टी महासचिव एडाप्पडी के. पलानीस्वामी हुं'दे नेतृत्व आहले गुट ने पार्टी विधायकें गी टीवीके सरकार दा समर्थन नेई करने दा निर्देश दित्ता ऐ। वरिष्ठ नेता एग्री कृष्णमूर्ति होरें चेतावनी दिती ऐ जे पार्टी व्हिप दी उल्लंघना करने आहले कुसे बी विधायक गी पार्टी थमां बर्खास्त करी दित्ता जाहग। 30 विधायकें दे समर्थन दा दावा करने आहले दुए गुट ने एस.पी. वेलुमणि होरें'गी एआईएडीएमके विधायक दल दा नेता चुनेआ ऐ।



### Swearing Puddchery

ऑल इंडिया NR कांग्रेस दे नेता एन. रंगासामी अज्ज पुदुचेरी दे मुखमंत्री दे तौर पर सगंध चुक्कडन। लोक निवास च अज्ज लोआए जाने आले इक सादे ज्नेह समारोह च पुदुचेरी दे लैफ्टिनेंट गवर्नर के. कैलाशनाथन होर एन. रंगासामी होरें' गी मुखमंत्री दे औहदे ते राजदारी दी सगंध चुकाडन। शपथ ग्रहण समारोह लेई सब्भै लोड़चदी त्यारियां करी लैती गेदियां न।



### CBI Neet

केंद्री जांच ब्यूरो - सी.बी.आई ने कथित नीट पेपर लीक मामले च शुभम खैरनार गी हिरासत च लेई लैता ऐ। राजस्थान पुलस दी गुजारिश पर नासिक पुलस दी अपराध

शाखा ने कल महाराष्ट्र दे नासिक थमां शुभम गी हिरासत च लैता हा। इस म्हीने दी 3 तरीक गी आयोजित नीट (यूजी) 2026 म्तेहान, पेपर लीक दे अरोपें मझाटै कल रद्द करी दिती गई। सरकार ने सी.बी.आई गी अनियमितताएं दी व्यापक जांच दे निर्देश दिते न। नीट-यूजी 2026 दे इक मेदवार दे अभिभावक ने लातूर एस.पी दफतरै च शकैत दर्ज करोआई ऐ, ते आरोप लाया गेआ ऐ जे इक निजी कोचिंग संस्थान ने म्तेहान शा पैहले इक मॉक टेस्ट आयोजित कीता हा, जेहदे च कथित तौर पर 42 सोआल नीट दे म्तेहान च पुच्छे गेदे सोआलें कन्नै मेल खंदे हे। एहदे शा पैहले, राजस्थान पुलस दे एसओजी ने संदिग्ध नेटवर्क ते पैसे दे लैन-देन दी जांच दे दरान 15 लोकें गी हिरासत च लैता हा। एस.ओ.जी ने कल जयपुर थमां कथित मास्टरमाइंड मनीष गी गिरफ्तार कीता। इस्सै म्हीने दी 7 तरीक गी सीकर दे करियर काउंसलर राकेश कुमार सने 5एं लोकें गी देहरादून थमां गिरफ्तार कीता गेआ हा ते अगले दिन नीट दे 4 मेदवारें गी गिरफ्तार कीता गेआ।



### **NEET- CBI Rajasthan**

तोआई केंद्री जांच ब्यूरो सी.बी.आई दी इक टीमै जयपुर च राजस्थान पुलस दे एस.ओ.जी आसेआ नीट पेपर लीक मामले च हिरासत च लैते गेदे तकरीबन द'उं दर्जन लोकें शा पुच्छ-गिच्छ कीती ऐ। एस.ओ.जी ने सीकर ते एहदे आले-दोआले दे इलाकें च बी सैकड़ें लोकें थमां पुच्छ-गिच्छ कीती ऐ। एस.ओ.जी अधिकारियें दे मताबक, केई लोकें कथित तौर पर पैसे लेइयै गैस-पेपर बेचे जिंदे चा केई सोआल नीट दे म्तेहान च पुच्छे बी गेदे हे। राजस्थान प्रदेश कांग्रेस कमेटी ने अज्ज नीट पेपर लीक मामले गी लेइयै राज्य भरै दे सबनें जिला मुख्यालयें पर बरोध प्रदर्शन दी घोशणा कीती ऐ।



## **Terrorist Killed**

पुंछ जिले दे कृष्णा घाटी सैक्टर आहली कब्जा रेखा कन्नै लग्गदे इलाके च सेना नै घुसपैठ दी इक कोशिश गी नाकाम बनांदे होई इक आतंकवादी गी मारी मकाया ऐ। आकाशवाणी जम्मू संवाददाता दी रिपोर्ट मूजब बन्ने पर तैनात सुरक्षाबलें कब्जा रेखा दे 300 मीटर अंदर भारत आहली भेठा संदिग्ध नक्लो-हरकत दिक्खियै गै अपनी कारवाई शुरु कीती ते घुसपैठिये गी मारी मकांदे होई घुसपैठ दी कोशिश गी नाकाम बनाई दिता। सेना नै आखेआ जे कारवाई च इक आतंकवादी मारेआ गेआ ऐ। इस्सै दौरान उत्तरी कमान दे प्रमुख लैफ्टिनेंट जनरल प्रतीक शर्मा होरें पुंछ इलाके दा दौरा लाया ते Romeo Force Headquarter च सुरक्षा स्थिति दा जायजा लैता।



## **Gold Import Tax**

सरकार ने सुन्ने ते होरनें कीमती धातुएं पर आयात शुल्क बधाई दिता ऐ, जेहडा अज्जै थमां लागू होई गेआ ऐ। वित्त मंत्रालय ने इक बयान च आखेआ ऐ जे सुन्ने ते चांदी पर 5 फीसद ते प्लैटिनम पर 5 इशारिया 4 फीसद आयात शुल्क लग्गा करग। एहदे अलावा, अनुपालन मानदंडे दी पूर्ति दे तैहत कीमती धातु दे प्रयुक्त उत्प्रेरक पर 4 इशारिया 3-5 फीसद आयात शुल्क तैय कीता गेआ ऐ। ध्यानलोग ऐ जे एहदे शा पैहले, प्रधानमंत्री नरेन्द्र मोदी होरें पच्छिम एशिया च जारी संकट दे मददेनजर लोके गी सुन्ने दी खरीदारी थमां बचने दी अपील कीती ही।



## PM Appeal Measures

आलमी सतह उप्पर ईंधन दिएं कीमतें च बाददे दे चलदे प्रधानमंत्री नरेन्द्र मोदी हुं दे आसेआ बचत करने दे आह्वान पर उत्तर प्रदेश, मध्य प्रदेश ते दिल्ली दे मुखमंत्रियें, अपने मंत्रियें, विधायकें ते लोकें दे प्रतिनिधियें आसेआ सरकारी गड्डिं दे इस्तेमाल गी घट्ट करने दा ऐलान कीता ऐ। उत्तर प्रदेश दे मुखमंत्री योगी आदित्यनाथ होरें मुखमंत्री, मंत्रियें ते होरनें अधिकारियें दे गड्डिं दे काफिले च 50 फीसद दी कमी दा हुकम रसाल कीता ऐ। उंनें नागरिकें गी ईंधन दी खपत घट्ट करने, गैर-जरूरी सुन्ने दी खरीद थमां बचने ते घरै थमां कम्म करने गी बढ़ावा देने दी अपील बी कीती। राज्य सरकार ने मेट्रो सेवाएं ते सार्वजनिक ट्रांसपोर्ट दे मते इस्तेमाल पर बल देने दे कन्ने वर्चुअल बैठकें ते हफते च इक दिन गड्डिं दा मुक्त रक्खने गी बी प्रोत्साहित कीता ऐ। ई'आं गै मध्य प्रदेश दे मुखमंत्री मोहन यादव होरें बी अगले हुकमै धोड़ी अपने काफिले दिएं गड्डिं दी गिनतरी घट्ट करी दिती ऐ। संगारें लाई गेदी कैबिनेट दी बैठक च, श्री यादव होरें मंत्रिपरिषद दे सदस्यें गी राश्ट्री हितै च पेट्रोल ते डीजल दी खपत घट्ट करने दी अपील कीती ते सार्वजनिक ट्रांसपोर्ट दे इस्तेमाल दा सुझास बी दिता। दिल्ली दिएं मुखमंत्री रेखा गुप्ता होरें आखेआ ऐ जे मंत्री, विधायक, अधिकारी ते सरकारी विभाग अपनी गड्डिं दा इस्तेमाल घट्ट करडन ते कन्ने कार-पूत्रिंग बवस्था ते मेट्रो ते बस सेवाएं गी तरजीह देडन।



## Maharashtra

महाराष्ट्र दी Jat तहसील च इक धार्मिक किट्ठ दौरान इक कंधै दे ढेई पौने करी 6 श्रद्धालुं दी मौत होई गेई ते 15 घासल होई गेए न। उत्थे करीबन 300 श्रद्धालु

किट्ठै होए दे हे- जिसलै इलाके च भारी बरखा होई ते तेज हवा चली। प्रधानमंत्री नरेन्द्र मोदी होरें इस हादसे पर दुख ते बसोस जाहिर कीता ऐ ते घायलें दे तौले नरोए होने दी कामना कीती।



### **US –Iran**

पच्छिम एशिया च अमरीका ते ईरान बश्कार युद्ध विराम गी लियै तनाs परतिए बदी गेआ ऐ। अमरीकी राष्ट्रपति डोनाल्ड ट्रम्प होरें ईरान दे नमें शांति प्रस्ताव गी खारिज करदे होई उसी बेकरा करार दिता ऐ। एदे मगरा खिते च व्यापक संघर्ष दी शेंका होर बदी गई ऐ। ईरान दी संसद दे अध्यक्ष बाकर गालिबाफ होरें आखेआ जे कुसै बी हमले दा परता देने लेई ईरानी सेना पूरी चाली त्यार ऐ। तेहरान नै अपने प्रस्ताव गी सेई करार दिता।



### **Trump –China**

अमरीकी राष्ट्रपति डोनाल्ड ट्रम्प अज्ज चीन दी राजधानी बीजिंग पुज्जडन। ओह चीन दे त्रै-दिन दे दौरै पर जा'रदे न। राष्ट्रपति ट्रम्प ते चीन दे राष्ट्रपति शी जिनपिंग हुंदे बश्कार होने आहली इस बैठक च दवै मुख्य बक्ख-बक्ख पैहलुएं पर चर्चा करडन। एह ट्रम्प ते शी जिनपिंग हुंदी 7मीं आमने-सामने दी मुलाकात होग। कन्नै गै बरे 2017 मगरा कुसै अमरीकी राष्ट्रपति दी एह पैहली चीन यात्रा बी ऐ।



### **Weather Monsoon**

भारत च इस बरे दक्खन-पच्छमी मानसून दी आमद इस हफते गै होई सकदी ऐ। मौसम विभाग ने दस्सेआ ऐ जे दक्खन-पच्छमी मानसून दी आमद लेई हालात मुआफक बना करदे न। इस हफते दे अखीरै धोड़ी दक्खनी बंगाल दी खाड़ी, अंडमान सागर ते अंडमान ते निकोबार टापुएं दे किश हिस्सें च मानसून आई सकदा ऐ। मौसम विभाग ने दस्सेआ ऐ जे दक्खन-पच्छम बंगाल दी खाड़ी दे उप्पर बने दा घट्ट दबाऽ आहला खेतर कल बी इससै इलाके च हा। मौसम विभाग ने आखेआ ऐ जे अगले 24एं घेंटे च एहदे होर असरदार होने दी मेद ऐ। मौसम विभाग मूजब, दक्खन-पच्छमी मानसून आमतौर पर हर बरे 1 जून दे कोल-कश केरल च शुरू होंदा ऐ।



IPL

आई.पी.एल क्रिकेट च, गुजरात टाइटन्स ने कल रातीं अहमदाबाद च सनराइजर्स हैदराबाद गी 82एं रन्जें कन्नै हराइयै अंक तालिका च अक्वल थाहर हासल करी लैती ऐ। गुजरात टाइटन्स दा प्रदर्शन शानदार रेहा। सनराइजर्स हैदराबाद 1 सौ 69एं रन्जें दे लक्ष्य दा पिच्छा करदे होई 14 ओवरें ते 5एं गेंदें च 86 रन्जें पर ऑल आउट होई गेई। गुजरात टाइटन्स दी तरफा कगिसो रबाडा ते जेसन होल्डर ने 3-3 विकेट लैते, प्रसिद्ध कृष्णा ने 2 विकेटां लैतियां जिसलै के मोहम्मद सिराज ते राशिद खान ने 1-1 विकेट अपने नां कीती। तोआई अज्ज रॉयल चौलेंजर्स बेंगलुरु दा मुकाबला कोलकाता नाइट राइडर्स कन्ने होग। मैच रायपुर च स'झां साइडे 7 बजे थमां खेइडेआ जाहग।

